



Rudnik mrkog uglja "Đurđevik" d.o.o. - Đurđevik

Broj:03- 717 /26

Dana, 10.02. 2026.godine

Na osnovu člana 20a. stav (1) i (2) Zakona o radu („Službene novine Federacije BiH“, broj:26/16, 89/18, 44/22 i 39/24), člana 4. Uredbe o postupku prijema u radni odnos u javnom sektoru u Federaciji BiH („Službene novine F BiH“, broj:13/2019, 9/2021 i 53/2021), člana 48. Statuta Rudnika mrkog uglja „Đurđevik“ d.o.o.-Đurđevik broj:S-01-5625/20 od 20.07.2020.godine, člana 2. stav (1) Odluke o načinu izbora, postupku i kriterijima za izbor novih radnika i pripravnika u JP Elektroprivreda BiH d.d.-Sarajevo, Zavisno društvo Rudnik mrkog uglja „Đurđevik“ d.o.o.-Đurđevik broj:03-9025/19 od 19.11.2019.godine i Odluke o potrebi prijema radnika u radni odnos na neodređeno vrijeme broj:03-121/26 od 09.01.2026.godine, Direktor društva i Prokurista, raspisuje

JAVNI OGLAS za prijem radnika u radni odnos na neodređeno vrijeme

Raspisuje se oglas za prijem radnika u radni odnos **na neodređeno vrijeme u Rudnik mrkog uglja "Đurđevik" d.o.o – Đurđevik**, na slijedeća radna mjesta:

1. Stručni saradnik za pravne poslove i zastupanje

1 izvršilac

Kratak opis poslova radnog mjesta:

-zastupa Društvo pred sudovima, organima uprave, državnim i drugim organima, obavlja pravno-stručne poslove za Društvo, prati i sprovodi zakone i druge propise i vrši usklađivanje općih akata sa istim, pokreće inicijativu za izmjene i dopune normativnih akata, sačinjava podneske, redovne i vanredne pravne lijekove u svim sporovima.

Pored opštih zakonskih uslova, kandidat treba da ispunjava i slijedeće posebne uslove:

-Završen VII/ECTS 240 stepen stručne spremlje pravne struke i 1 godina radnog iskustva.

2. Upravnik smjene

2 izvršioca

Kratak opis poslova radnog mjesta:

-rukovodi procesom proizvodnje u smjeni i izdaje potrebna naređenja i uputstva za rad, nadzire rad službi i DTO sistema, obilazi radilišta, strojeve i postrojenja, obavlja kontrolu postavljenih uputstava za rad, znakova i tabli, zabrane i upozorenja te saobraćajnih znakova, organizuje rad radnika na poslovima eksploatacije uglja i obrade jalovine, kontroliše ostvarenje mjesečne proizvodnje uglja i ostvarene količine otkrivke.

Pored opštih zakonskih uslova, kandidat treba da ispunjava i slijedeće posebne uslove:

-Završen VII/ECTS 240 stepen stručne spremlje rudarske struke, 2 godine radnog iskustva i položen stručni ispit.

3. Rukovaoc bagera

5 izvršilaca

Kratak opis poslova radnog mjesta:

-rukuje svim bagerima (dreglajnama, bagerima kašikarima, hidrauličnim bagerima kašikarima) na poslovima bagerovanja, a prema uputstvima za rad, vrši utovar otkrivke i uglja u damper kamione ili radi na prebacivanju jalovih masa i odgovoran je za stanje na radilištu, vrši pregled bagera prije početka rada, u toku rada i poslije rada.

Pored opštih zakonskih uslova, kandidat treba da ispunjava i slijedeće posebne uslove:

-Završen IV/III stepen stručne spreme tehničke struke, 1 godina radnog iskustva i položen PIRM ispit.

4. Rukovaoc dampera

11 izvršilaca

Kratak opis poslova radnog mjesta:

-rukuje svim vrstama damper-kamiona (kruti damperi na dizel-električni pogon i zglobnim damperima na pogon dizel motorom), radi na odvozu otkrivke, uglja i prevozu tereta, vodi evidenciju o radu damper-kamiona i prevezenim količinama (turama) otkrivke i uglja na istresalištima-depoima i strogo se pridržava uputstava radnika na istresalištima kipara.

Pored opštih zakonskih uslova, kandidat treba da ispunjava i slijedeće posebne uslove:

-Završen IV/III stepen stručne spreme tehničke struke, 1 godina radnog iskustva i položen PIRM ispit.

5. Rukovaoc postrojenja i transportera na DTO sistemu

1 izvršilac

Kratak opis poslova radnog mjesta:

-rukuje transportnim postrojenjima na transportnim i drobiličnim sistemom i odlagačem, sa komandnog mjesta gdje su smješteni uređaji za upravljanje i signalizaciju, vrši pregled postrojenja na početku smjene, sve nedostatke i primjedbe unosi u knjigu primopredaje, vrši svakodnevno čišćenje transportera i vodi računa da ne dođe do cijepanja trake usljed zaglavljivanja stranih predmeta.

Pored opštih zakonskih uslova, kandidat treba da ispunjava i slijedeće posebne uslove:

-Završen IV/III stepen stručne spreme tehničke struke i 6 mjeseci radnog iskustva.

6. Pomoćnik bušača

2 izvršioca

Kratak opis poslova radnog mjesta:

-opslužuje bušaču garnituru za vrijeme rada i navodi bušača na mjesto naznačeno za bušenje, prati bušaču garnituru pri transportu, čisti i podmazuje bušaču garnituru i pribor za bušenje, svakodnevno sprovodi mjere ZNR-u.

Pored opštih zakonskih uslova, kandidat treba da ispunjava i slijedeće posebne uslove:

-Završen III stepen stručne spreme rudarske struke i 6 mjeseci radnog iskustva.

7. Radnik na ranžiranju

1 izvršilac

Kratak opis poslova radnog mjesta:

-kopča i otkopčava vagone po potrebi, kopča i otkopčava kuku ranžiranog uređaja za vagone koji se dostavljaju na utovar na vagonsku vagu, prije početka rada pregleda stanje pogona ranžiranog uređaja i pregleda kuku za vuču, ranžirnog užeta i valjaka za vođenje užeta, prije

utovara obavlja pregled i čišćenje vagona, čisti kolosjek, vagu, čisti utovarnu zgradu i traku t-11.

Pored opštih zakonskih uslova, kandidat treba da ispunjava i slijedeće posebne uslove:
-Završen II stepen stručne spreml, sa ili bez radnog iskustva.

8. Rukovaoc postrojenja i transportera na klasirnici

1 izvršilac

Kratak opis poslova radnog mjesta:

-pušta u pogon strojeve koji su vezani za njegov djelokrug poslovanja, rukuje drobilicama u skladu sa pismenim upustvima izdatim od strane odgovornog lica klasirnice, pregleda nivo ulja u kompresoru, provjerava temperaturu el. peći, ispravnost strojeva za otprašivanje, svakodnevno pregleda cjelokupnu instalaciju voda za otprašivanje, voda za el. etažno grijanje, radijatore, rad komprimiranog vazduha.

Pored opštih zakonskih uslova, kandidat treba da ispunjava i slijedeće posebne uslove:
-Završen IV/III stepen stručne spreml rudarske ili mašinske struke, 6 mjeseci radnog iskustva i položen PIRM ispit.

9. Dežurni bravar

4 izvršioca

Kratak opis poslova radnog mjesta:

-vrši opravke i otklanjanje vrlo složenih kvarova, vrši servisiranje opreme prema servisnim uputstvima, vrši dnevne preglede maš. uređaja i sklopova na opremi, dužan je vršiti dežurstva u toku I, II i III smjene, upisuje preglede i opravke u knjigu izvještaja rada, knjigu rada stroja, odgovoran je za primjenu mjera ZNR-U i korištenje ličnih zaštitnih sredstava.

Pored opštih zakonskih uslova, kandidat treba da ispunjava i slijedeće posebne uslove:
-Završen IV/III stepen stručne spreml mašinske struke i 1 godina radnog iskustva.

10. Zavarivač

2 izvršioca

Kratak opis poslova radnog mjesta:

-vrši sve vrste zavarivačkih radova kako elekrolučno tako i plinsko zavarivanje u radionici i na terenu, radi na zagrijavanju i ispravljanju deformisanih konstrukcija u radionici i na terenu, dužan je da zavarivanje vrši u svim pozicijama i svim radnim uslovima u radionici i na terenu, radove izvodi prema uzorku i tehničkoj dokumentaciji.

Pored opštih zakonskih uslova, kandidat treba da ispunjava i slijedeće posebne uslove:
-Završen IV/III stepen stručne spreml mašinske struke i 6 mjeseci radnog iskustva.

11. Rukovaoc viljuškara, kрана i grajfera

1 izvršilac

Kratak opis poslova radnog mjesta:

-vrši svakodnevni vizuelni pregled stroja kojim rukuje (viljuškara, grajfera i kрана), rukovanje viljuškarom u radionici i na terenu, rukovanje grajferom u radionici i na terenu, rukovanje kranom u radionici, vrši evidentiranje svih poslova u knjigu stroja, obavezan je upotrebljavati zaštitna sredstva i sprovoditi mjere ZNR-u.

Pored opštih zakonskih uslova, kandidat treba da ispunjava i slijedeće posebne uslove:
-Završen IV/III stepen stručne spreml i 6 mjeseci radnog iskustva.

12. Kopač na otkopavanju i pripremi-prvi kopač

2 izvršioca

Kratak opis poslova radnog mjesta:

-u toku smjene vrši stalan obilazak radilišta za koje je zadužen i kontroliše izvođenje radova, u slučaju pojave potencijalnih opasnosti obustavlja rad, a radnike povlači sa radilišta putevima određenim planom odbrane i spasavanja, vrši osiguranje pristupnih puteva, ulaza i izlaza na otkopnim i pripremnim radilištima shodno tehničkim uputstvima, određuje mjesto sklanjanja radnika i alata za vrijeme miniranja, poslovođi smjene prijavljuje sve pojave koje mogu izazvati opasnost po zaposlene radnike.

Pored opštih zakonskih uslova, kandidat treba da ispunjava i slijedeće posebne uslove:

-Završen IV/III stepen stručne spremlje rudarske struke i 1 godina radnog iskustva.

13. Kopač na otkopavanju i pripremi-drugi kopač

2 izvršioca

Kratak opis poslova radnog mjesta:

-na radilištu obavlja rad pridržavajući se izdatih uputstava u pogledu mjera zaštite na radu i uslova rada na tom radilištu, poslove podgrađivanja, dobijanja uglja i drugo vrši prema odredbama u tehničkim uputstvima, dužan je da u svakom trenutku poznaje znakove uzbune i puteve povlačenja iz jame prema planu odbrane i spasavanja i da u tome podučava i druge radnike.

Pored opštih zakonskih uslova, kandidat treba da ispunjava i slijedeće posebne uslove:

-Završen IV/III stepen stručne spremlje rudarske struke i 6 mjeseci radnog iskustva.

14. Pomoćnik kopača

1 izvršilac

Kratak opis poslova radnog mjesta:

-radi u radnoj grupi kao neposredni izvršilac sa odgovornim kopačem kao vođom grupe, od kopača (vođe radne grupe) dobija konkretne zadatke koje je dužan obavljati savjesno i odgovorno uz istovremeno poštivanje svih mjera zaštite, radi na dopremlje materijala neophodnog za rad, odgovoran je za poslove koji mu se povjere.

Pored opštih zakonskih uslova, kandidat treba da ispunjava i slijedeće posebne uslove:

-Završen II stepen stručne spremlje, 6 mjeseci radnog iskustva i položen PIRM ispit.

15. NK radnik u jami

5 izvršilaca

Kratak opis poslova radnog mjesta:

-radi na dopremlje materijala neophodnog za normalan rad i utovar materijala u transporter, dobijene poslove od pretpostavljenog obavlja savjesno i tačno, da posjeduje i pravilno upotrebljava HTZ-e opremu.

Pored opštih zakonskih uslova, kandidat treba da ispunjava i slijedeće posebne uslove:

-Završen II stepen stručne spremlje, sa ili bez radnog iskustva.

16. Rukovaoc gumenih i grabuljastih transportera

6 izvršilaca

Kratak opis poslova radnog mjesta:

-vrši pregled i puštanje u rad i zaustavljanje trakastog transportera u jami, dok su transporteri u pogonu mora da prati zvučne i svjetlosne signale i da po potrebi zaustavi transportere na dati signal, daje odgovarajući zvučni ili svjetlosni signal kad je transporter potrebno uključiti u

pogon, dužan je da svojim prisustvom na mjestu pretovara uglja, odnosno presipu sa jednog na drugi transporter obezbjeđuje pravilan rad odvoznog i dovoznog transportera.

Pored opštih zakonskih uslova, kandidat treba da ispunjava i slijedeće posebne uslove:

-Završen II stepen stručne spreme, 6 mjeseci radnog iskustva i položen PIRM ispit.

17. Kopač na poslovima ventilacije i održavanja

1 izvršilac

Kratak opis poslova radnog mjesta:

-vrši obilazak jamskih radilišta radi pregleda i popravke ventilacionih objekata, kontroliše ispravnost vjetrenih vrata radi sprečavanja kratkih spojeva vazdušne struje, vrši izradu novih i popravku postojećih vjetrenih stanica i drugih ventilacionih objekata, postavlja znakove povlačenja prema uputstvu poslovođe službe za poslove vjetanja i održavanja, radi na izradi drvenih pregrada (ventilacionih i izolacionih pregrada).

Pored opštih zakonskih uslova, kandidat treba da ispunjava i slijedeće posebne uslove:

-Završen V/IV/III stepen stručne spreme rudarske struke i 1 godina radnog iskustva.

18. Rukovaoc postrojenja i transportera na separaciji

10 izvršilaca

Kratak opis poslova radnog mjesta:

-rukuje Joy drobilicom na separaciji u skladu sa pismenim uputstvima izdatim od strane odgovornih lica na separaciji, rukuje strojevima za pripremu rovnog uglja u predklasirnici separacije u skladu sa pismenim uputstvima izdatih od strane odgovornih lica, vrši kontrolu puštanja strojeva u pralištu separacije, vrši kontrolu tehnološkog procesa oplemenjivanja uglja, rukuje sa mosnom dizalicom u pralištu separacije, evidentira potrošnju magnetita, kontroliše rad teškotekućinskih separatora, cisterni, rekuperatora, drobilice, sita za cijedenje, dansimetara i stanje tehnoloških voda u procesu oplemenjivanja, kontroliše pranje i klasiranje uglja.

Pored opštih zakonskih uslova, kandidat treba da ispunjava i slijedeće posebne uslove:

-Završen II stepen stručne spreme, 6 mjeseci radnog iskustva i položen PIRM ispit.

19. Dežurni bravar za postrojenja prerade uglja

1 izvršilac

Kratak opis poslova radnog mjesta:

-dužan je da u toku smjene vrši sve remontne zahvate i kontinuirano tekuće održavanje na mašinskim postrojenjima u jami, prije početka rada smjene dužan je da provjeri sve strojeve i opremu koju održava, kod većih zastoja dužan je da organizuje i radi na njihovom hitnom otklanjanju, radi na pripremi i zamjeni rezervnih dijelova, od 07-09 h vrši redovni pregled zaduženih strojeva i tom prilikom vrši zamjenu dotrajalih dijelova, potrebne opravke na strojevima.

Pored opštih zakonskih uslova, kandidat treba da ispunjava i slijedeće posebne uslove:

-Završen IV/III stepen stručne spreme mašinske struke i 6 mjeseci radnog iskustva.

20. Radnik za održavanje na preradi uglja-mašinska obrada

1 izvršilac

Kratak opis poslova radnog mjesta:

-vrši remont i popravku dijelova i sklopova mašinskih postrojenja, redovno obavještava svog pretpostavljenog o stanju remontovanih sklopova, radi i druge poslove u interesu pogona, vrši redovan pregled na mašinskim postrojenjima i po potrebi preventivno djeluje na sprečavanju kvara.

Pored opštih zakonskih uslova, kandidat treba da ispunjava i slijedeće posebne uslove:
-Završen IV/III stepen stručne spreme mašinske struke i 6 mjeseci radnog iskustva.

21. Električar u montažnoj grupi u jami

1 izvršilac

Kratak opis poslova radnog mjesta:

-vrši otklanjanje vrlo složenih kvarova na opremi koja se remontuje u radionici, vrši svakodnevne preglede el. uređaja i instalacija i otklanja kvarove na opremi koja se remontuje, kontroliše stanje el. instalacija, stanje rasvjete i nedostatke odmah otklanja, vrši servisiranje opreme po radionicama, halama i upravnim zgradama i istu upisuje u knjigu strojeva, vrši preglede transformatorskih stanica, kontroliše nivo ulja i opreme u njima.

Pored opštih zakonskih uslova, kandidat treba da ispunjava i slijedeće posebne uslove:

-Završen IV/III stepen stručne spreme elektro struke, 1 godina radnog iskustva i položen EX ispit.

Kandidati moraju ispunjavati opće i posebne uslove.

Opći uslovi su:

1. da je stariji od 18 godina,
2. da je zdravstveno sposoban za obavljanje poslova radnog mjesta na koje se prijavljuje.

Posebni uslovi su:

1. da ima traženu stručnu spremu,
2. da ima traženo radno iskustvo,
3. da ima položen traženi ispit.

Kandidati su dužni dostaviti:

1. svojeručno potpisanu prijavu na javni oglas, sa adresom stanovanja i brojem telefona podnosioca prijave,
2. dokaz o traženoj stručnoj spremi,
3. dokaz o radnom iskustvu,
4. dokaz o položenom traženom ispitu (PSI, PIRM, Ex).

Kod radnih mjesta kod kojih se kao uslov traži PIRM (položen ispit radnog mjesta), uzeće se u razmatranje i prijave kandidata koji nemaju taj ispit, pod uslovom da je izabrani kandidat dužan položiti ispit u roku od 60 dana od dana zaključivanja ugovora o radu. Ukoliko kandidat ne položi PIRM u ostavljenom roku smatrat će se da nije ispunio uslove Konkursa i istom će se otkazati Ugovor o radu.

Dokumenti koji se prilažu uz prijavu moraju biti originali ili ovjerene kopije.

Neuredne, neblagovremene i nepotpune prijave neće se uzimati u razmatranje.

Pored navedene dokumentacije kandidati koji su demobilisani borci, članovi porodice šehida ili poginulih boraca, zatim kandidati koji imaju status ratnog vojnog invalida trebaju dostaviti dokaz o navedenoj činjenici u skladu sa propisima kojima se reguliše oblast boračko-invalidske zaštite.

Kandidati koji budu ispunjavali uslove navedene Oglasom, biće pozvani na pismeni, odnosno usmeni ispit, o čemu će biti blagovremeno obaviješteni.

Samo izabrani kandidati, biti će u obavezi dostaviti ljekarsko uvjerenje kao dokaz da njihovo zdravstveno stanje i psihofizičke sposobnosti odgovaraju uslovima radnog mjesta na koje su izabrani.

Dostavljanjem prijave na Oglas, kandidati daju saglasnost da RMU „Đurđevik“ d.o.o.- Đurđevik može obrađivati i koristiti njihove lične podatke, u svrhu provođenja postupka prijema u radni odnos.

Oglas ostaje otvoren 8 (osam) dana od dana objavljivanja.

Prijave sa dokazima o ispunjavanju uslova predviđenih Javnim oglasom dostaviti neposredno na protokol RMU "Đurđevik" d.o.o. Đurđevik ili preporučenom poštom sa naznakom:

„PRIJAVA NA JAVNI OGLAS - NE OTVARATI“

Na adresu:

RMU "Đurđevik" d.o.o. Đurđevik
75272 Đurđevik

Prokurista

Nurdin Čehajić
Dr.sc.Nurdin Čehajić, dipl.inž.mašinstva



Direktor

Almir Šabović
Dr.sc. Almir Šabović, dipl.inž.geologije